



陳杞世家第六 ○史記卷之三十六

陳胡公滿者虞帝舜之後也昔舜為庶人時堯

妻之二女居于媯汭其後因為氏姓媯氏舜

已崩傳禹天下而舜子商均為封國索隱曰按商均所封虞即

今之梁國夏后之時或失或續索隱曰按夏代猶至于

周武王克殷紂乃復求舜後索隱曰按左傳虞遏父

杜注遏父舜之後陶得媯滿封之於陳索隱曰左傳曰

正官名是生滿者也以奉帝舜祀是為胡公卒子

申公犀侯立申公卒弟相公臯羊立相公卒立

申公子突是為孝公孝公卒子慎公圍戎立慎

公當周厲王時慎公卒子幽公寧立幽公十二年周厲王奔于彘二十三年幽公卒子釐公孝立釐公六年周宣王即位三十六年釐公卒子武公靈立武公十五年卒子夷公說立是歲周幽王即位夷公三年卒弟平公燮立正義曰燮平先牒反公七年周幽王為犬戎所殺周東徙秦始列為諸侯二十三年平公卒子文公圉立文公元年取蔡女生子佗正義曰佗徒何反十年文公卒長子相公鮑立相公二十三年魯隱公初立二十六年衛殺其君州吁二十三年魯弒其君隱公三十八年

正月甲戌巳丑陳相公鮑卒索隱曰陳亂故再赴其日。正義曰甲戌巳丑

凡叶相公弟佗其母蔡女故蔡人為佗殺五父

及相公太子免而立佗譙周曰春秋傳謂佗即五父世家與傳違。索隱曰譙周云世

家與春秋傳違者按左傳相公五年文公子他殺相公太子免而代立經六年蔡人殺陳他立相公子躍為厲公而左傳

以厲公名躍他立未踰年故無謚又莊二十二年傳云陳厲公蔡出也故蔡人殺五父而立之則他與五父俱為蔡人所

殺其事不異是一人明矣史記既以他為厲公遂以躍為利公尋厲利聲相近遂誤以他為厲公五父為別人是太史公

錯耳而班固又以厲公為相公弟又誤也是為厲公相公病而亂作國人

分散故再赴徐廣曰班氏云厲公也厲公二年生子敬

仲完周太史過陳陳厲公使以周易筮之卦得

觀之否賈逵曰坤下巽上觀坤下乾是為觀國之光

上否觀爻在六四變而之否

利用賓于王杜預曰此周易觀卦六四爻辭也易之為書六爻皆有變象又有互體聖人隨其義而論

之此其代陳有國乎不在此其在異國正義曰六四變內卦

為中國外卦為異國非此其身在其子孫正義曰六四變此爻是辛未觀

也若在異國必姜姓正義曰六四變此爻是辛未觀

姓故為姜姜齊太嶽之後杜預曰姜姓之物莫能

兩大陳衰此其昌乎正義曰周敬王四十四年楚惠王

年殺之厲公取蔡女蔡女與蔡人亂厲公數如蔡

淫七年厲公所殺桓公太子免之三弟長曰躍

中曰林少曰杵曰共令蔡人誘厲公以好女與

蔡人共殺厲公公羊傳曰淫于蔡蔡人殺之而立躍是為利公

利公者桓公子也利公立五月卒立中弟林是

為莊公莊公七年卒少弟杵曰立是為宣公宣

公三年楚武王卒楚始彊十七年周惠王娶陳

女為后二十一年宣公後有嬖姬生子欵欲立

之乃殺其太子禦寇禦寇素愛厲公子完完懼

禍及已乃奔齊齊桓公欲使陳完為卿完曰羈

旅之臣賈逵曰羈寄旅客也幸得免負擔君之惠也不敢當

高位桓公使為工正正義曰周禮云冬官齊懿仲欲

妻陳敬仲卜之占曰是謂鳳皇于飛和鳴鏘鏘

杜預曰雄曰鳳雌曰皇雄雌俱飛相和而鳴鏘鏘然也猶敬仲夫妻有聲譽有媯之後將育

于姜杜預曰媯陳姓姜齊姓也五世其昌并于正卿服虔曰言完後五世與卿

並八世之後莫之與京賈逵曰京大也。正義曰杜預云敬八代孫田常之子襄子盤

也而杜以常為八代者以相子無字生武子開與釐子乞皆相繼事齊故以常為八代三十七年齊

相公伐蔡蔡敗南侵楚至召陵遠過陳陳大夫

轅濤塗惡其過陳詐齊令出東道東道惡相公

怒執陳轅濤塗是歲晉獻公殺其太子申生四

十五年宣公卒子欵立是為穆公穆公五年齊

相公卒十六年晉文公敗楚師于城濮是歲穆

公卒子共公朔立共公六年楚太子商臣弒其

父成王代立是為穆王十一年秦穆公卒十八

年共公卒子靈公平國立靈公正義曰謚法云亂而不損曰靈元年

楚莊王即位六年楚伐陳十年陳及楚平十四

年靈公與其大夫孔寧儀行父皆通於夏姬正義

曰烈女傳云陳女夏姬者陳大夫夏徵舒之母御叔之妻也三為王后七為夫人公侯爭之莫不迷惑失意杜預云夏姬

鄭穆公女陳大夫御叔之妻左傳云殺御叔殺靈侯戮夏南出孔儀喪陳國也衷其衣以戲於

朝左傳曰衷其衣或中其襦泄冶諫曰君臣淫亂民

何效焉靈公以告二子二子請殺泄冶公弗禁

遂殺泄冶春秋曰陳殺其大夫泄冶十五年靈公與二子飲於

夏氏公戲二子曰徵舒似汝二子曰亦似公杜

曰靈公即位十五年徵舒已為卿年大無嫌是公徵舒怒子也蓋以夏姬淫放故謂其子多似以為戲也

徵舒怒

靈公罷酒出徵舒伏弩廐門射殺靈公左傳曰公出自其廐

孔寧儀行父皆奔楚靈公太子午奔晉徵舒自

立為陳侯徵舒故陳大夫也夏姬御叔之妻舒

之母也成公元年冬楚莊王為夏徵舒殺靈公

率諸侯伐陳謂陳曰無驚吾誅徵舒而已已誅

徵舒因縣陳而有之羣臣畢賀申叔時使於齊

來還獨不賀賈逵曰叔時楚大夫莊王問其故對曰鄙語有

之牽牛徑人田田主奪之牛徑則有罪矣奪之

牛不亦甚乎今王以徵舒為賊弑君故徵兵諸

侯以義伐之已而取之以利其地則後何以令

於天下是以不賀莊王曰善乃迎陳靈公太子

午於晉而立之復君陳如故是為成公孔子讀

史記至楚復陳曰賢哉楚莊王輕千乘之國而

重一言索隱曰謂申叔時之語○正義曰家語云孔子讀史記至楚復陳謂然曰賢哉楚莊王輕千乘之國

王卒二十九年陳倍楚盟三十年楚共王伐陳

是歲成公卒子哀公弱立楚以陳喪罷兵去哀

公三年楚圍陳復釋之二十八年楚公子圍弑

其君邲敖自立為靈王三十四年初哀公娶鄭

長姬生悼太子師少姬生偃索隱曰昭八年經云陳侯之弟招殺陳世子偃

師左傳曰陳哀公元妃鄭姬生悼太子偃師今此云兩姬又分偃師為二人亦恐此非二嬖妾長妾

生留少妾生勝留有寵哀公哀公屬之其弟司

徒招哀公病三月招殺悼太子亡留為太子哀

公怒欲誅招招發兵圍守哀公哀公自經殺徐

五年時招卒立留為陳君四月陳使使赴楚楚靈

王聞陳亂乃殺陳使者索隱曰即司徒招又一名茗使公子奔

疾發兵伐陳陳君留奔鄭九月楚圍陳十一月

滅陳使奔疾為陳公招之殺悼太子也太子之

子名吳出奔晉晉平公問太史趙曰陳遂亡乎

對曰陳顛頊之族顛頊故為顛頊之族陳氏得政

於齊乃卒亡賈逵曰物莫能兩盛自幕至于瞽瞍無違命賈逵曰幕舜後虞思也至于瞽瞍無聞違天命以廢絕者鄭衆曰

思非也傳言自幕而至瞽瞍知舜重之以明德至於遂

幕在瞽瞍之前非虞思明矣杜預曰遂舜後蓋殷之興存舜之後而封遂言舜德乃至於

遂也○索隱曰重音持用反杜預以謂舜有明德乃至遂有

國義亦然也且文云自幕至瞽瞍無違命舜重之以明德是

言舜有明德為天子也乃云殷封遂代守之亦舜德也宋忠

云虞思之後箕伯直柄中衰殷世世守之及胡公周賜

之姓杜預曰胡公滿遂之後也事使祀虞帝且盛德之

後必百世祀虞之世未也其在齊乎楚靈王滅

陳五歲楚公子弃疾弒靈王代立是為平王平

王初立欲得和諸侯乃求故陳悼太子師之子

吳立為陳侯是為惠公惠公立探續哀公卒時
年而為元空籍五歲矣索隱曰惠公探取哀公死楚陳
滅之後為元年故今空經年籍
五歲矣一云籍借也為七年陳火十五年吳王僚使
借失國之後年為五年
公子光伐陳取胡沈而去索隱曰系本云胡歸姓沈姬
姓沈國在汝南平輿胡亦在
汝南二十八年吳王闔閭與子胥敗楚入郢是年
惠公卒子懷公柳立懷公元年吳破楚在郢召
陳侯陳侯欲往大夫曰吳新得意楚王雖亡與
陳有故不可倍懷公乃以疾謝吳四年吳復召
懷公懷公恐如吳吳怒其前不往留之因卒吳
陳乃立懷公之子越是為湣公索隱曰按左傳湣公
名周是史官記不同

也湣公六年孔子適陳吳王夫差伐陳取三邑
而去十三年吳復來伐陳陳告急楚楚昭王來
救軍於城父吳師去是年楚昭王卒於城父時
孔子在陳索隱曰按孔子以魯定公十四年適陳當湣公
之六年上文說是此十三年孔子仍在陳九經
八年何
其以也十五年宋滅曹十六年吳王夫差伐齊敗
之艾陵使人召陳侯陳侯恐如吳楚伐陳二十
一年齊田常弒其君簡公二十三年楚之白公
勝殺令尹子西子綦龍襲惠王葉公攻敗白公白
公自殺二十四年楚惠王復國以兵北伐殺陳
湣公遂滅陳而有之是歲孔子卒

杞東樓公者夏后禹之後苗裔也

索隱曰杞國名也東樓公謚號

也不名者並史先失耳宋忠曰杞今陳留雍丘縣故地理志云雍丘縣故杞國周武王封禹後為東樓公是也蓋周封杞

而居雍丘至春秋時杞已遷東國故左氏隱四年傳云莒人伐杞取牟婁牟婁者東邑也僖十四年傳云杞遷緣陵地理志北海有營陵厚于公之縣臣瓚云即春秋緣陵厚于公所

都之邑又州國各杞後改國號曰州而稱淳于公故春秋相五年經云州公如曹傳曰淳于公如曹是也然杞後代又稱

子者以徵小又僻居東夷故襄二十九年經稱杞子來盟傳曰書曰子

賤之也殷時或封或絕周武王克殷紂求禹之

後得東樓公封之於杞宋忠曰杞今陳留雍丘縣也以奉夏后氏

祀東樓公生西樓公西樓公生題公題公生謀

娶公徐廣曰謀一作謨索隱曰娶子史反謀娶公當周厲王時謀娶

公生武公武公立四十七年卒子靖公立靖公

二十三年卒子共公立共公八年卒子德公立

徐廣曰世本曰惠公。索隱曰系本譙周並作惠公又云惠公生成公及桓公是此系家脫成公一代下云弟桓公姑容

立非也且成公又見春秋經傳故左氏莊二十五年云杞成公娶魯女有婚姻之好至僖二十二年卒始赴而書左傳云

成公也未同盟故不書名是杞有成公必當如譙周所說也德八年卒弟桓公

姑容立徐廣曰世本曰惠公立十八年桓公立十七年桓公十

七年卒子孝公旬立索隱曰旬音蓋孝公十七年卒弟文

公益姑立文公十四年卒弟平公鬱立索隱曰一作郁釐譙

周云名鬱釐來蓋鬱郁釐來聲相近遂不同也平公十八年卒子悼公成立

悼公十二年卒子隱公乞立七月隱公弟遂弑

隱公自立是為釐公釐公十九年卒子濬公維

立湣公十五年楚惠王滅陳十六年湣公弟闕

路弒湣公代立是為哀公索隱曰闕音過哀公殺兄湣公而立謚哀誰周二云謚

也懿哀公立十年卒湣公子敕立徐廣曰敕一作速是為出

公出公十二年卒子簡公春立立一年楚惠王

之四十四年滅杞杞後陳三十四年杞小微

其事不足稱述舜之後周武王封之陳至楚惠

王滅之有世家言禹之後周武王封之杞楚惠

王滅之有世家言契之後為殷殷有本紀言殷

破周封其後於宋齊湣王滅之有世家言后稷

之後為周秦昭王滅之有本紀言臯陶之後或

封英六

索隱曰本或作蓼六皆通然蓼六皆魯之

臧文仲聞六與蓼滅曰臯陶庭堅不祀忽諸杜預云蓼與六皆魯之

皆魯之後地地理志云六安故國臯陶後偃姓為楚所滅又傳

十七年齊人徐人伐英氏杜預曰英六皆臯陶後

國名是有英蓼英六實未能詳或者英改號蓼 楚穆王

滅之無譜伯夷之後至周武王復封於齊曰太

公均陳氏滅之有世家言伯翳之後至周平王

時封為秦項羽滅之有本紀言索隱曰秦祖伯翳解者以翳益則為一人

今言十一人無翳而有彭祖彭祖亦墳典不載未知太史公意

紀叙十人無翳而有彭祖彭祖亦墳典不載未知太史公意如何恐多是誤然據秦本紀叙翳之功云佐舜馴調鳥獸與舜典命益作虞若予上下草木鳥獸文同則為一人必矣今未詳其所以 垂益龍其後不知所封不見也右十一人者皆唐虞之際各有功德臣也其五人之後

皆至帝王索隱曰舜禹身為帝王其稷契及醫則後代皆為帝王也餘乃為顯諸

侯滕薛騶夏殷周之間封也小不足齒列弗論

也索隱曰滕不知本封蓋軒轅氏之子有滕姓是其祖也後周封文王子錯叔繡於滕故宋忠云今沛國公丘是滕國

也薛奚仲之後任姓蓋夏殷所封故春秋有滕侯薛侯邾曹

姓之國陸終氏之子會人之後邾國今魯國騶縣是也然三

國微小春秋時亦預會盟蓋史缺無可叙列也又許文叔大

岳之胤二邾曹姓之君並通好諸侯同盟大國不宜全沒其

事亦可叙其本末補許邾世家周武王時侯伯尚千餘人及幽厲

之後諸侯力攻相并江黃胡沈之屬不可勝數

太史公曰舜之德可謂至矣禪位於夏而後世血食者歷三代及楚滅陳而田常得政於齊卒

為建國百世不絕苗裔烝烝有土者自不乏焉至禹於周則杞微甚不足數也楚惠王滅杞其後

越王勾踐興索隱述贊曰

盛德之祀必及百世

陳杞是繼媯滿受封

闕路篡逆夏姬淫嬖

或淪或替前并後虜

勾踐勃興田和吞噬

豈其苗裔蟬聯血食

二國衰微皆亡楚惠

東樓篡出

舜禹餘烈

陳杞世家○史記卷之三十六

衛康叔世家第七○史記卷之三十七

衛康叔索隱曰康畿內國名宋忠曰康叔從康徙封衛名

封周武王同母少弟也其次尚有冉季冉季最

少武王已克殷紂復以殷餘民封紂子武庚祿

父比諸侯以奉其先祀勿絕為武庚未集索隱曰集和也

恐其有賊心武王乃令其弟管叔蔡叔傅相武

庚祿父以和其民武王既崩成王少周公旦代

成王治當國管叔蔡叔疑周公乃與武庚祿父

作亂欲攻成周索隱曰成周洛陽其時周公相成王營

成周於是周公東居洛邑伐管蔡周公旦以成王命興師伐殷殺武

庚祿父管叔放蔡叔以武庚殺餘民封康叔為

衛君居河淇間故商墟索隱曰宋忠云今定昌也周公旦懼康

叔齒少乃申告康叔曰必求殷之賢人君子長

者問其先殷所以興所以亡而務愛民告以紂

所以亡者以淫於酒酒之失婦人是用故紂之

亂自此始為梓材正義曰若梓人為材君子觀為法則也梓匠人也示君子

可法則故謂之康誥酒誥梓材以命之康叔之

國既以此命能和集其民民大說成王長用事

舉康叔為周司寇賜衛寶貝祭器左傳曰分康叔以大路大旂少帛績

也通帛為旂折羽為旌大路金路也少帛雜帛也績茂大赤也以

章有德康叔卒子康伯代立索隱曰系本康伯名鬯周康王為大夫按左傳所稱王孫牟父是也牟鬯聲相近故不同耳譙周古史考無康伯而云子牟伯立蓋以不且父子俱謚康故因其名云牟伯也康伯卒子考伯立考伯卒子嗣伯

立嗣伯卒子廋伯立史記音義曰音捷。索隱曰系本作摯伯廋伯卒子

靖伯立靖伯卒子貞伯立索隱曰系本作箕伯貞伯卒子頃

侯立頃侯厚賂周夷王夷王命衛為侯索隱曰康誥稱命命亦

侯于東土又云孟侯朕其弟小子封則康叔初封已為侯也此子康伯即稱伯者謂方伯之伯耳非至子即降爵為伯也故孔安國曰孟長也五侯之長謂方伯方伯州牧也故五代孫祖桓為方伯耳至頃侯德衰不監諸侯乃從本爵而稱侯非是至子而削爵及頃侯賂夷王而稱侯也頃侯立十二年卒子釐侯立

釐侯十三年周厲王出犇于彘共和行政焉二

十八年周宣王立四十二年釐侯卒太子共伯
餘立為君共伯弟和有寵於釐侯多予之賂和
以其賂賂士以襲攻共伯於墓上共伯入釐侯
羨自殺索隱曰羨音延延墓道又音以戰反恭伯名餘也衛人因葬之釐侯
旁謚曰共伯而立和為衛侯是為武公索隱曰和
立此說蓋非也按季札美康叔武公之德又國語稱武公年
九十五矣猶箴誠於國恭恪于朝作抑自儆至於沒身謂之
獻聖又詩著衛世子恭伯早卒不云被殺若武公殺兄而立
豈可以為訓而形之于國史乎蓋太史公採雜說而為此記
耳武公即位修康叔之政百姓和集四十二年
犬戎殺周幽王武公將兵往佐周平戎甚有功
周平王命武公為公五十五年卒子莊公揚立

莊公五年取齊女為夫人好而無子又取陳女

為夫人生子蚤死陳女女弟亦幸於莊公而生

子完索隱曰女弟戴嬀也子完為州吁完母死莊公令

夫人齊女子之立為太子索隱曰子之謂養之為子

莊公有寵妾生子州吁十八年州吁長好

兵莊公使將石碯諫莊公賈逵曰石碯衛上卿曰庶子好兵

使將亂自此起不聽二十二年莊公卒太子完

立是為相公相公二年弟州吁驕奢相公絀之

州吁出奔十二年鄭伯弟段攻其兄不勝亡而

州吁求與之友十六年州吁收聚衛亡人以襲

殺相公州吁自立為衛君為鄭伯弟段欲伐鄭
請宋陳蔡與俱三國皆許州吁州吁新立好兵
弒相公衛人皆不愛石碣乃因相公母家於陳
詳為善州吁至鄭郊石碣與陳侯共謀使右宰
醜進食因殺州吁于濮服虔曰右宰醜衛大夫濮陳地○索隱曰賈逵云濮陳地
按濮水有受河又受汴汴亦受河東北至離孤分為二俱東北至鉅野入濟則濮在曹衛之間賈言陳地非也若據地理
志陳留封丘縣濮水受汴當言陳留水也而迎相公弟晉於邢而立之賈逵曰邢周公之胤姬姓國是為宣公宣公七年魯弒其君隱公
九年宋督弒其君殤公及孔父十年晉曲沃莊
伯弒其君哀侯十八年初宣公愛夫人夷姜夷

姜生子伋以為太子而令右公子傅之右公子
為太子取齊女未入室而宣公見所欲為太子
婦者好說而自取之更為太子取他女宣公得
齊女生子壽子朔令左公子傅之杜預曰左右媵之子因以為號
太子伋母死宣公正夫人與朔共讒惡太子伋
宣公自以其奪太子妻也心惡太子欲廢之及
聞其惡大怒乃使太子伋於齊而令盜遮界上
殺之正義曰左傳云衛宣公使太子伋之齊與太子白旄
殺之使盜待諸莘將殺之杜預云莘衛地與太子白旄
而告界盜見持白旄者殺之且行子朔之兄壽
太子異母弟也知朔之惡太子而君欲殺之乃

謂太子曰界盜見太子白旄即殺太子太子可
母行太子曰逆父命求生不可遂行壽見太子
不止乃盜其白旄而先馳至東界盜見其驗即
殺之壽已死而太子伋又至謂盜曰所當殺乃
我也盜并殺太子伋以報宣公宣公乃以子朔
為太子十九年宣公卒太子朔立是為惠公左
右公子不平朔之立也惠公四年左右公子怨
惠公之讒殺前太子伋而代立乃作亂攻惠公
立太子伋之弟黔牟為君惠公卒齊衛君黔牟
立八年齊襄公率諸侯奉王命共伐衛納衛惠

公誅左右公子衛君黔牟奔于周惠公復立惠
公立三年出三十八年復入與前通年九十三
年矣二十五年惠公怨周之容告黔牟與燕伐
周周惠王奔温衛燕立惠王弟頹為王二十九
年鄭復納惠王三十一年惠公卒子懿公赤立
懿公即位好鶴正義曰括地志云故鶴城在滑州匡城縣西南十五里左傳云衛懿公好鶴有乘軒者狄伐衛公欲戰國人受甲者皆曰使鶴鶴實有祿位余焉能戰俗傳懿公養鶴於此城因名也淫樂
奢侈九年翟伐衛衛懿公欲發兵兵或畔大臣
言曰君好鶴鶴可令擊翟於是遂入殺懿公懿
公之立也百姓大臣皆不服自懿公公父惠公朝

之讒殺太子伋代立至於懿公常欲敗之卒滅
惠八公之後而更立黔牟之弟昭伯頑之子申為
君是為戴八戴八申元年卒齊相公以衛數亂
乃率諸侯伐翟為衛築楚丘正義曰括地志云城武縣有楚丘亭立戴
公弟燬為衛君賈誼書曰衛侯朝於周周行人問其名曰燬然後受之。正義曰燬音毀是為文公文公以
亂故奔齊齊人入之初翟殺懿公也衛人憐之
思復立宣公前死太子伋之後伋子又死而代
伋死者子壽又無子太子伋同母弟二人其一
曰黔牟黔牟嘗代惠八公為君八年復去其二曰

昭伯昭伯黔牟皆已前死故立昭伯子申為戴

公戴公卒復立其弟燬為文公文公初立輕賦

平罪索隱曰輕賦稅平斷刑也平或作卒卒謂士卒也罪字連下讀蓋亦一家之義耳身自勞與

百姓同苦以收衛民十六年晉公子重耳過無

禮十七年齊相公卒二十五年文公卒子成公

鄭立成公三年晉欲假道於衛救宋成公不許

晉更從南河度服虔曰南河濟南之東南流河也杜預曰從及郡南度出衛南救宋

徵師於衛衛大夫欲許成公不肯大夫元咺攻

成公成公出奔索隱曰奔楚。正義曰咺况遠反晉文公重耳伐

衛分其地予宋討前過無禮及不救宋患也衛

成公遂出牛犇陳索隱曰左傳衛侯聞楚師敗懼出奔楚遂適陳也二歲如周

求入與晉文公會晉使人鳩衛成公成公私於

周主鳩令薄得不死索隱曰按私謂賂之也已而周為請晉

文公卒入之衛而誅元咺衛君瑕出犇索隱曰是元咺所立

者成公入而殺之故僖三十年經云衛殺其大夫元咺及公子瑕此言奔非也

七年晉文公卒

十二年成公朝晉襄公十四年秦穆公卒二十

六年齊郟歆弒其君懿公索隱曰郟歆與左氏同而齊系家作郟戎者蓋郟歆

掌御戎車故號郟戎郟音丙歆亦作郟三十五年成公卒世本曰成公徙濮

陽帝丘地名子穆公正義曰穆公二年楚莊王伐陳

殺夏徵舒三年楚莊王圍鄭鄭降復釋之十一

年孫良夫救魯伐齊復得侵地穆公卒子定公

臧立定公十二年卒子獻公術立獻公十三年

公令師曹教宮妾鼓琴賈逵曰師曹樂人妾不善曹答之

妾以幸惡曹於公公亦答曹三百十八年獻公

戒孫文子甯甯惠子食皆往日盱不召服虔曰孫文子林父也甯

惠子甯殖也敕戒二子欲共晏食皆服朝衣待命盱晏也而去射鴻於囿二子從

之服虔曰從公於囿八公不釋射服與之言左傳曰不釋皮冠二子怒

如宿服虔曰孫文子邑也○索孫文子子數侍公飲

左傳曰文子子即孫崩也使師曹歌巧言之卒章杜預曰巧言詩小雅也其卒章曰彼

何人斯居河之康無拳無勇職為亂階公欲以璧言文子居河上而為亂師曹又怒公之嘗

階公欲以璧言文子居河上而為亂師曹又怒公之嘗

階公欲以璧言文子居河上而為亂師曹又怒公之嘗

管三百乃歌之欲以怒孫文子報衛獻公文子
語遽伯玉伯玉曰臣不知也賈逵曰伯玉衛大夫遂攻出獻
公獻公犇齊齊置衛獻公於聚邑孫文子寤寤惠
子共立定公弟秋為衛君是為殤公徐廣曰班氏云獻公弟熒
殤公秋立封孫文子林父於宿十二年寤喜與
孫林父爭寵相惡殤公使寤喜攻孫林父林父
犇晉復求入故衛獻公獻公在齊齊景公聞之
與衛獻公如晉求入晉為伐衛誘與盟衛殤公
會晉平公平公執殤公與寤喜而復入衛獻公
獻公亡在外十二年而入獻公後元年誅寤喜

三年吳延陵季子使過衛見遽伯玉史鮪曰衛
多君子其國無故過宿孫林父為擊磬曰不樂
音大悲使衛亂乃此矣是年獻公卒子襄公惡
立襄公六年楚靈王會諸侯襄公稱病不往九
年襄公卒初襄公有賤妾幸之有身夢有人謂
曰我康叔也令若子必有衛名而子曰元妾怪
之問孔成子服虔曰衛卿孔烝錡成子曰康叔者衛祖也及
生子男也以告襄公襄公曰天所置也各之曰
元襄公夫人無子於是乃立元為嗣是為靈公
靈公五年朝晉昭公六年楚公子弃疾弑靈王

自立為平王十一年火三十八年孔子來祿之
如曾後有隙孔子去後復來三十九年太子蒯
瞶與靈公夫人南子有惡賈逵曰南子宋女欲殺南子蒯
瞶與其徒戲陽邀謀朝使殺夫人賈逵曰戲陽邀太子家臣。正
義曰戲陽音義戲陽後悔不果蒯瞶數目之夫人覺之懼
呼曰正義曰呼火故反太子欲殺我靈公怒太子蒯瞶犇
宋已而之晉趙氏四十二年春靈公游于郊令
子郚僕賈逵曰僕御也郚靈公少子也字子南靈公怒太
子出犇謂郚曰我將立若為後郚對曰郚不足
以辱社稷君更圖之服虔曰郚自謂已無德不足立以污辱社稷夏靈公

卒夫人命子郚為太子曰此靈公命也郚曰亡
人太子蒯瞶之子輒在也不敢當於是衛乃以
輒為君是為出公六月乙酉趙簡子欲入蒯瞶
乃令陽虎詐命衛十餘人衰經歸服虔曰衰經為若從衛來迎太
也子簡子送蒯瞶衛人聞之發兵擊蒯瞶蒯瞶不
得入入宿而保衛人亦罷兵出公輒四年齊田
乞弒其君孺子八年齊鮑子弒其君悼公孔子
自陳入衛九年孔文子問兵於仲尼仲尼不對
其後魯迎仲尼仲尼反魯十二年孔圍文子
取太子蒯瞶之姊生埋孔氏之豎渾良夫美好

孔文子卒良夫通於悝母太子在宿悝母使良夫於太子太子與良夫言曰苟能入我國報子以乘軒免子三死毋所與杜預曰軒大夫車也三死三罪紫衣袒裘帶劍也紫衣君服也熱故偏袒不敬也衛侯求令名者與之食馬太子請使良夫良夫紫衣狐裘不釋劍而食太子使牽退與之明許以悝母為妻閏月良夫與太子入舍孔氏之外圃服虔曰圃園昏二人蒙衣而乘服虔曰二人謂良夫太子蒙衣為婦人之服以中蒙其頭而共乘也宦者羅御如孔氏孔氏之老樂甯問之服虔曰家臣稱老問其姓名稱姻妾以告晉達曰婚姻家妾也遂入適伯姬氏服虔曰入孔氏所居既食悝母杖戈而先服虔曰先至孔埋所太子與五人介輿猴從之

賈逵曰介被甲也伯姬劫悝於厠彊盟之遂劫以登輿殺豚欲以盟

臺服虔曰於衛臺上召衛羣臣樂甯將飲酒炙未熟聞亂使告

仲由服虔曰季路為孔氏邑宰故告之召護駕乘車服虔曰召護衛大夫駕乘車不駕兵

車也言無行爵食炙服虔曰樂甯使召季路乃行爵食炙奉出公輒犇魯

服虔曰召護衛侯仲由將入遇子羔將出賈逵曰子羔衛大夫高柴孔子弟子也將

出犇曰門已閉矣子路曰五口姑至矣杜預曰且子羔

曰不及莫踐其難賈逵曰言家臣憂不及國不得踐履其難鄭眾曰是時輒以出不及事不當踐其難子羔言不及以為季路欲死國也子路曰食馬不辟其難服虔曰

之祿欲救悝之難此明其不死國也子羔遂出子路入及門公孫敢闔

門曰毋入為也服虔曰公孫敢衛大夫言輒已出無為復入子路曰是公

孫也求利而逃其難由不然利其祿必救其患
有使者出子路乃得入曰太子焉用孔悝雖殺
之必或繼之王肅曰必有繼續其後攻太子且曰太子無勇若燔臺
必舍孔叔太子聞之懼下石乞孟壓敵子路曰二子崩賾之臣敵當也○正義曰燔音煩舍音捨壓音乙減反以戈擊之割纓子路
曰君子死冠不免服虔曰不使冠在地結纓而死冠纓也孔
子聞衛亂曰嗟乎柴也其來乎由也其死矣孔
悝竟立太子蒯聩是為莊公莊公蒯聩者出公
父也居外然大夫莫迎立元年即位欲盡誅大
臣曰寡人居外久矣子亦嘗聞之乎羣臣欲作

亂乃止二年魯孔丘卒三年莊公上城見戎州
賈逵曰戎州戎人之邑○索隱曰左傳云戎州人攻之是也隱二年公會戎于濬杜預云陳留濟陽縣東南有戎城濟陽與衛近故莊公登臺而望見戎州又七年云戎伐九伯于楚丘是戎與衛相近也曰戎虜何為是
戎州病之十月戎州告趙簡子簡子圍衛十一
月莊公出犇索隱曰左傳莊公本由晉趙氏納之立而背晉晉伐衛衛人出莊公立公子般師晉師退莊公復入般師出奔初公登城見戎州已氏之妻鬘美鬘之以為夫人鬘又欲剪戎州兼逐石圍故石圍攻莊公莊公懼踰北牆折股入已氏已氏殺之今系家不言莊公復入及死已氏直云出奔亦其跡也又左傳云衛復立般師齊伐衛立公子起執般師明年衛石圍逐其君起起奔齊出公輒復歸是左氏詳而系家略也衛人立公子
斑師為衛君左傳曰斑師襄公之孫齊伐衛虜斑師更立公
子起為衛君服虔曰起靈公子衛君起元年衛石曼專逐

其君起

索隱曰左傳作石圃此專音圃穀梁作曼姑專或音姑諸本多無曼字

起奔齊衛

出公輒自齊復歸立初出公立十二年亡在

外四年復入出公後元年賞從王者立二十一

年卒

索隱曰按出公初立十二年亡在外四年復入九年卒是立二十一年自即位至卒凡經二十五年而卒

越出公季父黔攻出公季而自立是為悼公悼

公五年卒

索隱曰紀年云四年卒于越系本名虔

子敬公弗立

世本云敬公費也

敬公十九年卒子昭公糾立

索隱曰系本云敬公生撓公舟非也

是時

三晉疆衛如小侯屬之

正義曰屬趙也

昭公六年公子

甯

正義曰音尾

弒之代立是為懷公懷公十一年公子

頹弒懷公而代立是為慎公慎公父八公子適

索隱

曰音的系本適作虔虔悼公也

適父敬公也慎公四十二年卒子

聲公訓立

索隱曰訓亦作馴同休運反系本作聖公馳

聲公十一年卒子

成侯速立

索隱曰音速系本作不逝按上穆公已名速不可成侯更名則系本是也

成侯十

一年八公孫鞅入秦

索隱曰秦本紀云孝公元年鞅入秦又按年表成侯與秦孝公同年然則

十一年當為元年字誤耳

十六年衛更貶號曰侯二十九年成

侯卒子平侯立平侯八年卒子嗣君立

索隱曰樂資據紀年

以嗣君即孝襄侯

嗣君五年更貶號曰君獨有濮陽四十

二年卒子懷君立懷君二十一年朝魏魏囚殺

懷君魏更立嗣君弟是為元君元君為魏壻故

魏立之

徐廣曰班氏云元君者懷君之弟

元君十四年秦拔魏東地

秦初置東郡更徙衛野王縣而并濮陽為東郡

索隱曰魏都大梁濮陽黎陽並是魏之東地故立郡名東郡也二十五年元君卒子君

角立年表云元君十一年秦置東郡十二年徙野王二十二年卒○索隱曰年表與此不同徐註備矣

角九年秦并天下立為始皇帝二十一年二世

廢君角為庶人衛絕祀

太史公曰余讀世家言至於宣公之太子以婦

見誅弟壽爭死以相讓此與晉太子申生不敢

明驪姬之過同俱惡傷父之志然卒死亡何其

悲也或父子相殺兄弟相滅亦獨何哉

索隱述贊曰

司寇受封

梓材有作

成錫厥器

夷加其爵

暨武能修

從文始約

詩美歸燕

傳矜石碣

皮冠射鴻

乘軒使鸛

宣縱淫嬖

鹽生伋朝

崩贖得罪

出公行惡

衛祚日衰

失於君角

衛康叔世家 ○ 史記卷之三十七

宋微子世家第八 ○ 史記卷之三十八

微子開者孔安國曰微畿內國名子爵也為紂卿士。索隱曰按尚書微子之命篇云命微子啓代殷後

今此名開者避漢景帝諱也殷帝乙之首子而紂之庶兄也索隱曰按尚書

亦以為殷王元子而是紂之兄呂氏春秋云生微子時母猶為妾及為妃而生紂故微子為紂同母庶兄紂既

立不明淫亂於政微子數諫紂不聽及祖伊以

周西伯昌之修德滅阮徐廣曰阮音者。索隱曰者即黎也。鄭誕云本黎音黎孔

安國云黎在上黨東北即今之黎亭阮國懼禍至以告紂紂曰我生

不有命在天乎是何能為於是微子度紂終不

可諫欲死之及去未能自決乃問於太師少師

孔安國曰太師三公箕子也少師孤卿比干也曰殷不有治政不治四方孔安

國曰言殷不有治政我祖遂陳於上馬融曰我祖湯也孔

陳力於上世也紂沈湎於酒婦人是用亂敗湯德於下馬融曰

曰下下世也殷既小大好草竊姦究孔安國曰草野盜竊

士師師非度馬融曰非但小人學為姦究皆有罪辜

乃無維獲鄭玄曰獲得也君羊臣皆有是罪其小民乃並

興相為敵讎孔安國曰卿士既亂而小民今殷其典

喪若涉水無津涯徐廣曰一作陟水無舟航言危也

曰太師少師馬融曰重呼告之我其發出往紂禍敗如此我

其起作出往也。索隱曰往尚書作狂蓋亦今文尚書意異耳吾家保于喪徐廣曰一云

案馬融曰卿大夫稱家今女無故告王肅曰無意告我也予顛躋

如之何其馬融曰躋猶墜也恐顛墜於非義當如之何也

太師若曰王子天篤下苗亡殷國孔安國曰微子

子天生紂為亂是下苗也鄭玄曰少師不吝志在必死。正義曰苗音災乃母畏畏不用老

長孔安國曰上不畏天苗下不畏今殷民乃陋淫神祇

之祀徐廣曰一云今殷民侵神犧又云陋淫侵神祇

得治不如去遂亡箕子者馬融曰箕子名也子爵也紂親戚也

紂始為象箸索隱曰箸音持略反按下文云為象箸必為

父服虔杜預以為紂之庶兄杜預云梁國蒙縣有箕子冢

山箸尊者箸地無足是也劉氏音直箸其子歎曰彼為象
慮反則杯箸亦食用之物並通為器
箸必為玉栝為栝則必思遠方珍怪之物而御
之矣輿馬宮室之漸自此始不可振也紂為淫
泆箕子諫不聽人或曰可以去矣箕子曰為人
臣諫不聽而去是彰君之惡而自說於民吾不
忍為也乃被髮佯狂而為奴遂隱而鼓琴以自
悲故傳之曰箕子操風俗通義曰其道閉塞憂秋心而作
困厄窮迫雖怨恨失意猶守禮義王子比干者亦紂之
親戚也見箕子諫不聽而為奴則曰君有過而
不以死爭則百姓何辜乃直言諫紂紂怒曰吾

聞聖人之心有七竅信有諸乎乃遂殺王子比
干剗視其心微子曰父子有骨肉而臣主以義
屬故父有過子三諫不聽則隨而號之人臣三
諫不聽則其義可以去矣於是太師少師乃勸
微子去遂行時比干已死而周武王伐紂克殷微子
乃持其祭器造於軍門肉袒面縛索隱曰肉袒者袒而露肉也面
縛者縛手於背而面向前也左牽羊右把茅膝行而
前以告於是武王乃釋微子復其位如故武王
封紂子武庚祿父以續殷祀使管叔蔡叔傅相
之武王既克殷訪問箕子武王曰於乎維天陰

劉氏云面即背也義稍迂

左牽羊右把茅膝行而

索隱曰肉袒者袒而露肉也面

定下民相和其居孔安國曰天不言而默定下民我不

知其常倫所序孔安國曰言我不知天所以箕子對

曰在昔鯀陞鴻水汨陳其五行孔安國曰陞塞汨

亂陳徐廣曰帝乃震怒不從鴻範九等常倫所斁一作釋

怒不與天道大法九類言王所問所由敗也魚則殛死

禹乃嗣興鄭玄曰春秋傳曰舜之天乃錫禹鴻範九

等常倫所序孔安國曰天與禹洛出書也神名謬負文而出

類初一日五行二曰五事三曰八政四曰五紀

五曰皇極六曰二德七曰稽疑八曰庶徵九曰

嚮用五福畏用六極馬融曰言天所以五行一曰水

二曰火三曰木四曰金五曰土鄭玄曰此數本諸水

曰潤下火曰炎上孔安國曰言其木曰曲直孔安國曰

曲直馬融曰金之性從土曰稼穡王肅曰種

也曲直潤下作鹹孔安國曰炎上作苦孔安國曰曲直

作酸孔安國曰從革作辛孔安國曰稼穡作甘孔安國

聽五曰思貌曰恭言曰從馬融曰發言視曰明聽曰

聰思曰睿馬融曰恭作肅從作治馬融曰出令而明

作智聰作謀孔安國曰所謀必成審也睿作聖孔安國

謂之聖八政一曰食二曰貨三曰祀四曰司空馬融

無不通

空掌營城郭主空士以居民五曰司徒孔安國曰主徒六曰司寇馬融曰主誅

曰主誅鄭玄曰掌諸侯朝觀之官八曰師鄭玄曰掌軍旅之官五紀一

曰歲二日月三日四日星辰馬融曰星二十八宿

玄曰星五曰歷數孔安國曰歷數節氣之度以為歷數教授民時皇極皇建其

有極孔安國曰大中之道大立欽時五福用傳錫其庶

民馬融曰當欽是五福之道用布與眾民維時其庶民于女極馬融曰以

五福故眾民於汝錫女保極鄭玄曰又賜女凡厥庶民

母有淫朋人母有比德維皇作極孔安國曰民有善則無淫過朋

念之馬融曰凡其眾民有謀有所為有所不協于極不離

于咎皇則受之孔安國曰凡民之行雖不合於中而而

安而色曰予所好德女則錫之福孔安國曰女當

下人人曰我所好者德也女則與之爵祿時人斯其維皇之極孔安國曰不

惟大之福則是人比其女與之福則是人比其母侮鰥寡而畏高明馬融曰高

不枉法畏之人之有能有為使羞其行而國其昌王肅曰

行任之以政則國為之昌凡厥正人既富方穀孔安國曰正直之人

以善道接之女不能使有好于而家時人斯其幸孔安國

使正人有好於國家則人斯其詐取罪而去也于其母好女雖錫之福其

作女用咎鄭玄曰無好於女家之人雖錫之以爵祿母偏

母頗遵王之義孔安國曰偏不頗不正母有作好

言當修先王正義以治民

史記宋世家

遵王之道馬融曰好私好也母有作惡遵王之路母偏母

黨王道蕩蕩孔安國曰言開辟也鄭玄曰黨朋黨母黨母偏王道平

平孔安國曰言下治也母反母側王道正直馬融曰反反道也側傾側也會其

有極鄭玄曰謂君也當會聚歸其有極鄭玄曰謂臣也當就有中之君而事

之曰王極之傳言馬融曰王若當盡極行之使臣下布陳其言是夷是訓于

帝其順馬融曰是大中而常行之用是教訓天下於天為順也凡厥庶民極之

傳言馬融曰亦盡極敷陳其言於上也是順是行王肅曰民納言於上而得中者則順而行

之以近天子之光王肅曰近猶益也順行民言所以益天子之光曰天子作民

父母以為天下王王肅曰政教務中民善是用所以為民父母而為天下所歸往三德

一曰正直鄭玄曰中平之人二曰剛克三曰柔克鄭玄曰克能也剛而能柔

柔而能剛寬猛相濟以成治立功孔安國曰世平平康正直孔安國曰世平彊不友剛

克孔安國曰友順也世彊內友柔克孔安國曰世和順以柔能治之也

曰內當為變變和也沈漸剛克馬融曰沈陰也潛伏也陰伏之謀謂賊臣亂子非一朝一夕之漸君親無

將將而誅索隱曰尚書作沈高明柔克馬融曰高明君子亦以德懷也

維辟作福維辟作威維辟玉食馬融曰辟君也玉食美食不言王者關諸

臣有作福作威玉食其害于而家凶于而國人

用側頗辟民用僭忒孔安國曰在位不端平則下民僭差稽疑擇建立

卜筮人孔安國曰龜曰卜著曰筮考正疑乃命卜筮曰

雨曰濟曰涕尚書作圍。索隱曰涕音亦尚書作驛孔安國云氣駱驛下連續今此文作涕是涕泣亦

相連之曰霧徐廣曰一日夷曰被。索隱曰霧音蒙然蒙與狀也。霧亦通徐氏所見本涕作洩蒙作被義通而字

耳曰克曰貞曰悔凡七卜五占之用二衍貞鄭玄

五占之用謂兩濟圍霧克也二衍貞謂貞悔也將立卜筮人

乃先命名兆卦而分別之兆卦之名九士龜用五易用二審

此道者乃立之也雨者兆之體氣如雨然也濟者如雨止之

雲氣在上者也圍者色澤而光明也霧者氣不釋鬱冥冥也

克者如稜氣之色相犯也內卦曰貞貞正也外卦立時人

曰悔悔之言晦也晦猶終也卦象多變故言衍貞立時人

為卜筮鄭玄曰立是能分別兆三人占則從二人之

言鄭玄曰從其多者著龜女則有大疑謀及女心謀

及卿士謀及庶人謀及卜筮孔安國曰先盡謀慮女

則從龜從筮從卿士從庶民從是之謂大同孔

國曰大而身其康彊而子孫其逢吉孔安國曰動不

同於吉

也吉女則從龜從筮從卿士逆庶民逆吉卿士從

龜從筮從女則逆庶民逆吉庶民從龜從筮從

女則逆卿士逆吉鄭玄曰此三者皆從多故為吉女則從龜從筮逆

卿士逆庶民逆作內吉作外凶鄭玄曰此逆者多以

境外龜筮共違于人用靜吉用作凶孔安國曰安

動則凶鄭玄曰龜筮皆與人謀相違人雖三從猶不可以舉事

庶徵曰雨曰陽曰奧曰

寒曰風曰時孔安國曰雨以潤物陽以乾物暖以長物寒

五者來備各以其序庶草繁廡孔安國曰言五者備

木繁廡一極備凶一極亡凶孔安國曰一者備極過甚則

滋豐也一極備凶一極亡凶孔安國曰一者備極過甚則

不謂也

曰休徵孔安國曰叙曰肅時雨若孔安國曰

不謂也

時雨曰治時暘若孔安國曰君政曰知時奧若孔安國曰君昭

哲則時曰謀時寒若孔安國曰君能曰聖時風若孔安國曰君能

則時風順之曰各徵孔安國曰叙曰狂常雨若孔安國曰君行僭

則常雨順之曰僭常暘若孔安國曰君行僭曰舒常

奧若孔安國曰君行逸豫則常煖順之曰急常寒若孔安國曰君行僭

則常寒順之曰霧務常風若孔安國曰君行僭王肯維

歲馬融曰言王者所告卿士維月孔安國曰卿士各有別

尹維日孔安國曰衆正官之吏分歲日月時毋易孔安國曰

常順百穀用成治用明孔安國曰穀成君臣無易則正治明峻民

用章家用平康孔安國曰賢臣日月歲時既易百

穀用不成治用昏不明峻民用微家用不寧庶

民維星孔安國曰星民象星有好風星有好雨馬融

星好風畢日月之行有冬有夏孔安國曰日月之月之

從星則以風雨孔安國曰月經于箕則多風離于畢則五

福一曰壽二曰富三曰康寧鄭玄曰康四曰攸好

德孔安國曰所好五曰考終命孔安國曰各成其短長六

極一曰凶短折鄭玄曰未齒曰凶未冠曰短未婚曰折二

曰疾三曰憂四曰貧五曰惡孔安國曰惡醜陋也六曰弱鄭玄

而不臣也其後箕子朝周過故殷虛感宮室毀

壞生禾黍箕子傷之欲哭則不可欲泣為其近

婦人索隱曰婦人之性多涕泣也乃作麥秀之詩以歌詠之其詩

曰麥秀漸漸兮禾黍油油索隱曰漸漸麥芒之狀音子廉反又依字讀油油者

禾黍之苗光悅貌彼狡童兮不與我好兮所謂狡童者紂

也殷民間之皆為流涕杜預曰梁國蒙縣有箕子冢武王崩成

王少周公旦代行政當國管蔡疑之乃與武庚

作亂欲襲成王周公徐廣曰一云欲襲成周周公既承成王

命誅武庚殺管叔放蔡叔乃命微子開代殷後

奉其先祀作微子之命以申之國于宋杜本曰宋更曰睢陽

微子故能仁賢乃代武庚故殷之餘民甚戴愛

之微子開卒立其弟衍是為微仲禮記曰微子舍其孫脂而立衍

也鄭玄曰微子適子死立其弟衍殷禮也。索隱曰家語微子弟仲思名衍一名泚嗣微子為宋公雖遷爵易位而班級

不過其故故以舊官為稱故二子雖為宋公猶微至子稽乃稱宋公也微仲卒子宋公稽

立索隱曰譙周云宋公稽卒子丁公申立丁公申卒

子潛公共立潛公共卒弟煬公熙立煬公即位

潛公子鮒祀弒煬公而自立徐廣曰鮒一作鮒。索隱曰譙周亦作鮒祀據

左氏即潛公庶子也弒煬公欲立太子弗父何何讓不受曰我當立是為厲公厲

公卒子釐公舉立釐公十七年周厲王出奔彘

二十八年釐公卒子惠公音古覓反惠公四

年周宣王即位三十年惠公卒子哀公立哀公

元年卒子戴公立戴公二十九年周幽王為犬戎所殺秦始列為諸侯三十四年戴公卒子武公司空立武公生女為魯惠公夫人生魯相公十八年武公卒子宣公力立宣公有太子與夷十九年宣公病讓其弟和曰父死子繼兄死弟及天下通義也我其立和和亦三讓而受之宣公卒弟和立是為穆公穆公九年病召大司馬孔父謂曰先君宣公舍太子與夷而立我我不敢忘我死必立與夷也孔父曰君羣臣皆願立公子馮穆公曰毋立馮吾不可以負宣公於是穆

公使馮出居于鄭八月庚辰穆公卒兄宣公子與夷立是為殤公君子聞之曰宋宣公可謂知人矣立其弟以成義然卒其子復享之殤公元年衛公子州吁弑其君完自立欲得諸侯使告於宋曰馮在鄭必為亂可與我伐之宋許之與伐鄭至東門而還二年鄭伐宋以報東門之役其後諸侯數來侵伐九年大司馬孔父嘉妻好出道遇太宰華督服虔曰戴公之孫督說目而觀之服虔曰目者極視精不轉也督利孔父妻乃使人宣言國中曰殤公即位十年耳而十一戰賈逵曰一戰伐鄭圍其東門二戰取其禾三戰取其田四

戰鄭伐宋入其郭五戰伐鄭圍長葛六戰鄭以王命伐宋
七戰魯敗宋師于菅八戰宋衛入鄭九戰伐戴十戰鄭入宋
十一戰鄭伯以
號師大敗宋

民苦不堪皆孔父為之我且殺孔
父以寧民是歲魯弑其君隱公十年華督攻殺
孔父取其妻殤公怒遂弑殤公而迎穆公子馮
於鄭而立之是為莊公莊公元年華督為相九
年執鄭之祭仲要以立突為鄭君祭仲許竟立
突十九年莊公卒子濬公捷立濬公七年齊桓
公即位九年宋水魯使臧文仲往弔水
濬公自罪曰寡人以不能事鬼神政不脩故水
臧文仲善此言此言乃公子子魚教濬公也十

年夏宋伐魯戰於乘丘徐廣曰乘一作腰駟案杜預曰乘丘魯地魯生

虜宋南宮萬賈逵曰南宮氏萬名宋卿宋人請萬萬歸宋十一

年秋濬公與南宮萬獵因博爭行濬公怒辱之

曰始吾敬若今若魯虜也萬有力病此言遂以

局殺濬公于蒙澤賈逵曰蒙澤宋澤名也杜預曰宋地梁國有蒙縣大夫仇

牧聞之以兵造公門萬搏牧牧齒著門闔死柩

門闔因殺太宰華督乃更立公子游為君諸公

子犇蕭肅公子禦說牛牝亳服虔曰蕭亳宋邑也杜預曰今沛國有蕭縣蒙縣西北有亳城萬弟南宮牛將兵圍亳冬蕭及宋之諸公

子共擊殺南宮牛弑宋新君游而立濬公弟禦

也

說是為桓公宋萬生陳宋人請以賂陳陳人使婦人飲之醇酒服虔曰宋萬多力勇不可執故先使婦人誘而飲之酒醉而縛之以革

裹之歸宋左傳曰以犀革裹之宋人醢萬也服虔曰醢肉醬桓公三年

諸侯伐宋至郊而去三年齊桓公始霸二十三年

迎衛公子燬於齊立之是為衛文公文公女

弟為桓公夫人秦穆公即位三十年桓公病太

子茲甫讓其庶兄目夷為嗣桓公義太子意竟

不聽三十一年春桓公卒太子茲甫立是為襄

公以其庶兄目夷為相未葬而齊桓公會諸侯

于葵丘襄公往會襄公七年宋地震星如雨與

雨偕下左傳曰隕石于宋五隕星也六鵙退蜚公羊傳曰視之則六鵙徐察之則六

退飛索隱曰按僖十六年左傳賈石于宋五賈星也六鵙退飛過宋都是當宋襄公之時訪內史叔與曰吉凶焉在對曰

君將得諸侯而不終也然莊七年傳又云桓星不見夜中星實如雨與雨偕也且與雨偕下自在別年不與賈石退鵙之

事同此史以賈石為賈星遂連恒星不見之時與雨偕為文故與左傳小異也風疾也賈逵曰風起於遠至

宋都高而疾故八年齊桓公卒宋欲為盟會十二年

年春宋襄公為鹿上之盟杜預曰鹿上宋地汝陰有原鹿其地在楚僖二十一年宋人楚人齊人盟于鹿上今齊陰

然襄公求諸侯於楚楚纔許之許未合至濟陰鹿上今齊陰乘氏縣北有鹿城蓋此地也以求諸侯於楚楚人許之公子目

夷諫曰小國爭盟禍也不聽秋諸侯會宋公盟

于孟孟杜預曰孟宋地目夷曰禍其在此乎君欲已甚何以

堪之於是楚執宋襄公以伐宋冬會于亳以釋
宋公子魚曰禍猶未也十三年夏宋伐鄭子魚
曰禍在此矣秋楚伐宋以救鄭襄公將戰子魚
諫曰天之弃商久矣不可冬十一月襄公與楚
成王戰于泓穀梁傳曰戰于泓水之上楚人未濟目夷曰彼衆
我寡及其未濟擊之公不聽已濟未陳又曰可
擊公曰待其已陳陳成宋人擊之宋師大敗襄
公傷股國人皆怨公公曰君子不困人於阨不
鼓不成列何休曰軍法以鼓戰以金止不鼓不戰也不成列未成陳子魚曰兵以勝
爲功何常言與徐廣曰一云尚何言與必如公言即奴事之

耳又何戰爲楚成王已救鄭鄭享之去而取鄭

二姬以歸索隱曰謂鄭大夫羊氏姜氏之女既是鄭女故云二姬叔瞻曰成王無

禮正義曰謂取鄭二姬也其不没乎爲禮卒於無別有以知

其不遂霸也是年晉公子重耳過宋襄公以傷

於楚欲得晉援厚禮重耳以馬二十乘服虔曰八十四

四年夏襄公病傷於泓而竟卒索隱曰春秋戰于泓在僖二十三年重耳

過宋及襄公卒在一十四年今此文以重耳過與傷泓共歲故云是年又重耳過與宋襄公卒共是一歲則不合更云十四年是進退俱不合於左氏蓋太史公之疎耳子成公王臣立成公元年晉

文公即位三年倍楚盟親晉以有德於文公也

四年楚成王伐宋宋告急於晉五年晉文公救

文公救

宋楚兵去九年晉文公卒十一年楚太子商臣

弑其父成王代立十六年秦穆公卒十七年成

公卒正義曰年表云公孫固殺成公成公弟禦殺太子及大司馬公

孫固正義曰世本云宋莊公孫名固為大司馬而自立為君宋人共殺君

禦而立成公少子杵臼正義曰年表云宋昭元杵臼

子是為昭公昭公四年宋敗長翟緣斯於長丘

魯世家云宋武公之世獲緣斯於長丘今云此時未詳。索隱曰春秋文公十一年魯敗翟于咸獲長狄緣斯於長丘齊

系家惠公二年長翟來王子城父攻殺之此並取左傳之說

云昭公蓋此昭當為武然前代雖已有武公此杵臼當亦此

謚武也若將不然豈下五代公子特為君又豈謚昭乎七年楚莊王即位九年昭公無道國人不附昭公

弟鮑革徐廣曰一賢而下士先襄公夫人欲通於

公子鮑不可服虔曰襄公夫人周襄王之姊王姬也不可鮑不肯也乃助之施於

國正義曰施貳是反襄夫人助因大夫華元為右師正義

曰公子華元鮑因請得為右師華元戴公五代孫華督之曾孫也昭公出獵夫人王姬

使衛伯攻殺昭公杵臼弟鮑革立是為文公文

公元年晉率諸侯伐宋責以弑君聞文公公立

乃去二年昭公子因文公母弟須與武繆戴莊

相之族為亂文公盡誅之出武繆之族賈逵曰四

年春鄭命楚伐宋宋使華元將鄭敗宋囚華元

華元之將戰殺羊以食士其御羊羹不及左傳曰御羊羹

也故怨馳入鄭軍故宋師敗得囚華元宋以兵車百乘文馬四百疋

賈逵曰文狸文也王肅曰文馬畫馬也。正義曰按文馬者裝飾其馬四伯匹用牽車伯乘遺鄭贖華元也又云文馬赤鬃編身目如黃金 贖華元未盡入華

元二歸宋十四年楚莊王圍鄭鄭伯降楚楚復

釋之十六年楚使過宋宋有前仇執楚使九月

楚莊王圍宋十七年楚以圍宋五月不解宋城

中急無食華元乃夜私見楚將子反子反告莊

王王問城中何如曰析骨而炊何休曰析破人骨也易子而

食莊王曰誠哉言我軍亦有二日糧以信故遂

罷兵去二十二年文公卒子共公瑕立始厚葬

君子譏華元不臣矣共公元年華元善楚將子

重又善晉將欒書兩盟晉楚十三年共公卒華

元為右師魚石為左師司馬唐山攻殺太子肥

欲殺華元華元犇晉魚石止之至河乃還皇臨見曰華元家

在陳留小黃縣城北誅唐山乃立共公少子成是為平公左傳

曰魚石犇楚平公三年楚共王拔宋之彭城以封宋左

師魚石四年諸侯共誅魚石而歸彭城於宋三

十五年楚公子圍弒其君自立為靈王四十四

年平公卒子元公佐立元公三年楚公子棄疾

弒靈王自立為平王八年宋火十年元公母信

詐殺諸公子大夫華向氏作亂楚平王太子建
來犇見諸華氏相攻亂建去如鄭十五年元公
為魯昭公避季氏居外為之求入魯行道卒子
景公頭曼立索隱曰按曼立音萬景公十六年魯陽虎來犇
已復去二十五年孔子過宋宋司馬桓魋惡之
欲殺孔子孔子微服去三十年曹倍宋又倍晉
宋伐曹晉不救遂滅曹有之正義曰宋景公滅曹在魯哀公八年周敬王三十三年也二十六年齊田常弒簡公三十七年楚惠王
滅陳熒惑守心心宋之分野也景公憂之司星
子韋曰可移於相景公曰相吾之股肱曰可移

於民景公曰君者待民曰可移於歲景公曰歲

饑民困吾誰為君子韋曰天高聽卑君有君人

之言三熒惑宜有動於是候之果徙三度六十

四年景公卒宋公子特攻殺太子而自立是為

昭公索隱曰特一作得按左傳景公無子取元公庶魯孫公孫周之子得及啓畜于八公宮及景公卒先立啓後立得

公父公孫糾糾父公子禚秦徐廣曰禚音端禚秦即元公

少子也景公殺昭公父糾索隱曰左傳云各周故昭公怨殺

太子而自立昭公四十七年卒子悼公購由立

年表云四十九年。悼公八年卒索隱曰紀年為十八年子休公

索隱曰購音古候反

田立休公田二十三年卒子辟公辟兵立徐廣曰一云辟

公兵。索隱曰紀年作相侯璧兵則璧兵謚相也又莊子云相侯行未出城門其前駟呼辟蒙人止之後為狂也司馬彪云呼辟使人避道蒙人以相侯名辟而前駟呼辟故為狂也辟公三年卒子剔成立

年表云剔成君也。索隱曰王邵按紀年云宋剔成肝發其君壁而自立剔成四十一年剔

成弟偃攻襲剔成敗奔齊偃自立為宋君

君偃十一年自立為王索隱曰戰國策曰氏春秋皆以偃謚曰康王東敗

齊取五城南敗楚取地三百里西敗魏軍乃與

齊魏為敵國盛血以韋囊囊縣而射之命曰射天

淫於酒婦人羣臣諫者輒射之於是諸侯皆曰

桀宋索隱曰晉太康地記言其似桀也宋其復為紂所為不可不

誅告齊伐宋王偃立四十七年齊湣王與魏楚

伐宋殺王偃遂滅宋而三分其地年表云偃立四十二年

太史公曰孔子稱微子去之箕子為之奴比干

諫而死殷有三仁焉何晏曰仁者愛人三人行異而同稱仁者何也以其俱在夏憂亂寧民也夏侯玄曰微子仕之窮也箕子比干志之窮也故或盡材而止或盡心而留皆其極也致極斯君子之事矣是以三仁不同而歸春秋譏宋之亂自宣公廢太子而立弟

其一揆也公羊傳曰君子大居正宋之禍宣公為之也國以不寧者十世索隱曰公羊春秋有此說

左氏則襄公之時修行仁義欲為盟主其大夫正無譏焉襄公之時修行仁義欲為盟主其大夫正

考父美之故追道契湯高宗殷所以興作商頌

韓詩商頌章句亦美襄公。索隱曰今按毛詩商頌序云正考父於周之太師得商頌十一篇以那為首國語亦同此說

考父於周之太師得商頌十一篇以那為首國語亦同此說

今五篇存皆是商家祭祀樂章非考父追作也又考父佐襄
戴武宣則在襄公前且百許歲安得述而美之斯謬說耳襄
公既敗於泓而君子或以為多公羊傳曰君子大其
而不志大禮有君而無臣以傷中國闕禮義喪之也
為雖文王之戰亦不過此也索隱曰襄公臨大事不忘大禮而君子或以為多且傷中國
之亂闕禮義之舉遂不嘉宋襄之盛德太史公襄而述之故
云襄宋襄之有禮讓也

索隱述贊曰

毅有三仁

微箕紂親

一囚一去

不顧其身

頌美有客

書稱作賓

卒傳家嗣

或叙彝倫

微仲之後

世載忠勤

穆亦能讓

實為知人

傷泓之役

有君無臣

偃號祭宋

天之弃毅

宋徽子世家

○史記卷之三十八



